


Veqaura Baibel



Portions of the New Testament in the Veqaura (Meauna)
dialect of the Omwunra-Toqura (South Tairora) language of
Papua New Guinea

Veqaura Baibel

**Portions of the New Testament in the Veqaura (Meauna) dialect
of the Omwunra-Toqura (South Tairora) language of Papua New
Guinea**

Sampela hap Nupela Testamen long tokples Veqaura long Niugini
copyright © 2012 Wycliffe Bible Translators, Inc.

Language: Veqaura (Omwunra-Toqura or South Tairora)

Dialect: Veqaura (Meauna)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-03-19

PDF generated using Haiola and XeLaTeX on 18 Apr 2025 from source files dated 31 Aug 2023
7f17bf7b-ed7f-57a2-89c1-2b7308ad99ef

Contents

Matiu	1
MAAKI	6
RUKI	11
IONI	16

Matiu

13

Sia suqe si sukura uiti tutoraqi pisoratura

²⁴ Sisasiva mwariro mwo kuaqaa nuase nraase qora timwa nyiro tiro, Kotiva nraase qoraqaa naqisiariva vairero mwaa kuara votaama vaiso. Vainti mwovano suqe si sukura uiti suku nrail vutaqi mwara tuse

²⁵ uro enaqi nrail nramwunaavaqa vaite mwauvaro mwira nramwutaa mwovano nrinero uiti tutoraqi kuankusa suku sia suqe si sukura pisorave. (Mwi kuankusava vasirero mwira ituvaqa mwira aqavaqa uiti ituvaqa aqavaqa nkuaa qarama vaisaro mwi kuankusara tavavano aasus sia mwitaama uiti tava votaama vairave.)

²⁶ Mwira nramwutaavano sia suqe si sukura mwira vutaqi pise vuvaro uitivano kuankusa vaqamase nkuaaqi kutero mwataqa tava riare suvanta mwira aira vaintivaravano takuvaro mwi kuankusava uiti vaqamase kute vauvanta

²⁷ mwira aira vaintivaravano uro nraaso qora mwata rienta tinta, Nrora vaintio, re suqesi sukurave mwara tutaa? Ntaintairove mwi kuankusava qovarama viso? tinta.

²⁸ Mwitaa tuvaro nraase qova tiro, Qike, ni nramwutaa mwovano kuankusa mwaqiro uro ni vutaqi mwara tutaiso, tuvanta mwira aira vaintivaravano mwira mwata rienta tinta, Sove te uro mwi kuankusara nuqi saanarave?

²⁹ tuvaro mwiva qao tiro, Sia kuankusa mwira nuqi saate. Né kuankusa nuqitanta uiti vaqamasenta nauku sevorave.

³⁰ Qaqi saivaro uitivanovaqa kuankusavanovaqa nkuaaqi niuvate. Uitivano nroravaqe ne ni sara irara mware nri mwai vaintisuara mwitaama tirenave. Né mwi kuankusara nane tuquse rumpase mwaqinta uro tia quara tenta mwiraqaantai uiti tuquse mwaqiqi ni sarasaapa nraavuqi uro nini mataate tiasarave, turave. Sisasiva mwi kuaraqaa nuase timwa nyurama...

³⁶ Sisasiva mwo kua mwo kuaqaa nuase timwa nyiqiro viro mwiraqaantai mwiva nraase qora mwini se nraavuqi vuvanta mwira nraaqiaravaravano mwiva mwauraqi uro nenta Sisasira tinta, Re ota tiana kuara mwira nramwutaavano kuankusa mwira vutaqi piso kuara mwi kuara osarara tiri timwa tiviqe te riaare, tinta.

³⁷ Mwira nraaqiaravaravano mwitaa tuvaro Sisasiva mwinravusua timwa nyiro

tiro, Vainti mwovano suqe si sukura mwara tuto vaintira osaravano vairero ne mwiva mwauko. Ne mwataqi mwatatai nraaqiarava ne mwi vaintivave.

³⁸ Mwi vaintira vuta osaravano vairero esaa mwatamaata vaiso. Suqe si sukura osaravano vairero Kotira kua riaa nraase qorasuma mwariarave. Kuankusa osaravano vairero sia Kotira kua riaa nraase qorasuma Saataanira nraaqiarama mwariarave.

³⁹ Mwira nramwutaavano kuankusa suku piso vaintira osaravano vairero mwiva Saataanivave. Sara irara mware nri enara osaravano vairero naantiara mwaa mwatava taiqaari enava vaiso. Sara irara mwarenta nri vaintisua osaravano vairero mwisua naavunyaa vaintinravuve.

⁴⁰ Mwira aira vaintivaravano kuankusa toqase rumpase mwaqinta uro tiaqi quara tonemase naantiara mwaa mwatava taiqaari enaraqaa mwitaama qovara sianarave.

⁴¹ Ne mwataqi mwatatai nraaqiaravama mwaiqi vina mwaa mwatava taiqaari enaraqaa ne naavunyaaasua titaarinta mwisua untu ne naqisu mwatraqaantai sia suqe si nraase qorasua ni nraaqiaranravu sia suqema nyate mwari nraase qorasua rumpa mwarenta sia suqe si airara mware mwaisua rumpa mwarenta ntitaqinta

⁴² uro tia nrora itaariraqi pisavanta mwisua tiaqi mwaitanta qara ninta nataqi vinta nyari vai nkutitanta mwaivarave.

⁴³ Mwisua mwini uro pisavanta suqema nrue mwai nraase qorasua suarivano itainemase itamaqi vivaro Kotiva mwisua qova mwisaqaa naqisiqi viranta mwariqi vivarave. Ini aato vairere mwi kuara osara qintutama riaate, tiro. Sisasiva mwi kuara turama.

14

Sisasiva nruka nroraqaa iquqaantai naaqi vura

²² Sisasiva mwisua sara nyitero mwiraqaantairo nrail vaintivara ntusi tiro, Né mpotuqi mwari nenta né naane nramai nrukaqi tarenta tarasini uro né vi mwaivaque ne vainti nraase qora ntusi tiarinta mwini nyari mwaaqani nyari mwaaqani vuate, tiro tuvo.

²³ Sisasiva mwitaa timwase mwiva vainti nraase qora nyari mwaaqani nyari mwaaqani ntusi tiro mwiraqaantai Kotirara sapara siase tiro mwera aataqaa vuvaro ena suvaro Sisasiva aataqaa mwinto nrariaaraa mwauvaro

²⁴ mpotuvano nramai vutaqaa vuvaro saaravano tuqi viro Sisasira vaintivaravano mpotuqi mwaisua mwini vuarenta

tinta sunantai saaravano tuqi vuvarora tiro, nramaivano mpotu sampi raaquqi raaquqi vurama.

²⁵ Saaravano tuqi vuvaro nramaivano mpotu raaquqi raaquqi vi mwauvaro va ataa suvaro Sisasiva nramaiqaa iquaantai naaqi viro mwira vaintivaravano mpotuqii mwausua vunani vuvanta

²⁶ mwira vaintivaravano takuvaro Sisasiva nramaiqaa iquaantai naaqi nrurvanta mwisua mwira takuenta nroraqamase aatu sinta mpo se tinta, Tovevaanavanove, ti mwauvaro

²⁷ Sisasiva mwisuara va tiro, Né qaqi mwariate. Ne mwivave. Sia aatu siate, tiro tuvo.

²⁸ Sisasiva mwitaa tuvaro Pitaava tiro, Nrora vaintio, re qutaa mwairarere re ni timwa miqe nevaqa nramaiqaa niquaantai re mwariaranani vuase, tiro. Pitaava mwitaa tuvaro Sisasiva tiro, So tukuane, tiro.

²⁹ Mwitaa tuvaro Pitaava mpotuqintai mwaavi nero mpotu mwini pisero nramaiqaa iquaantai naaqi viro Sisasiva sunani vurama.

³⁰ Pitaava mwini vitaro tiro, Ne so nramaiqaa vuasarave, timwa tero takuvaro saaravano nroraqamase tuvaro Pitaava mwirara nau riovoro aatu itovaro mwiraqantai mwiva nramaiqi mweva nare utara Sisasirara sapara siro tiro,

³¹ Mpo, nrora vaintio, ni tumwaraane, tuvaro Sisasiva va nrai saquaantai mwiti Pitaara vite tiro, Re saaravano tuarinarara sia nau riaataarave. Re niara ausu nau riaataarave. Re sia niara taara aato tuataarave, tiro turama.

³² Sisasiva mwitaa timwa sero Pitaara vita mware mpotuqi mwaari novaro saaravano va taiqa vuvanta mwira vaintivaravano mpotuqi mwausua Sisasirara riaria-mase tinta, Re qutaa Kotira mwaqvano mwariaro, tinta turama.

26

Sutaasiva Sisasira nramwutaa mwisua ntaquqi sero mono mwaraarirara tura

¹⁴ ...Sisasira 12 nraaqiaravaravaqintai mwo vaintivano mwira utu Sutaasi Ikeriotiva mweva nero Kotira aira mwara mwate mwau vaintisua mwisua nrora vaintivaravano mwaunani viro uro mwisua mwata rie tiro,

¹⁵ Ne Sisasira ini ntaquqi uro saarinta né nara soqaave ni mivarave siavo? tuvanta mwisua ori mono 30 nravu saara nuase mwira mwuvaro

¹⁶ Sutaasiva mwi monora mware mwi enaraqaantai mwisua ntaquqi uro Sisasira saari aarara mpuaamaqi vura.

Sisasiva nrai nraaqiara vaqamase vesasuto sarara nrora

¹⁷ Sia ntoto mpereti sarara omwata nre enanravuva nrinovanta ntaaru enaqaa mwira nraaqiaravaravano Sisasiva sunani nrinenta tinta, Ntaraqive tenravu uro terama mwataarava re vesasuto enarara rietarama mwi sarara nrenarave? tinta.

¹⁸ Mwinravusua mwitaa tuvaro Sisasiva tiro, Nenravu Ierusaremi mwatusani uro mwi vaintirara mwitaa tiate, Tirinravu mwaara ti mwai vaintiva mwitaa tiro, Ni enama nrinaiso. Ne nena nraaqiara vaqamasena ri nraavuqi vesasuto sarara nrarenave tiso, tiate, tiro.

¹⁹ Sisasiva mwitaa tuvanta mwira nraaqiaravaravano mwi sarara Sisasiva tunema senta temwanaama tora.

²⁰ Sara temwanaama tovaro ena suvaro Sisasiva nrai nraaqiaravaravaqa uro sara taintaqua mwataqaa mwairo

²¹ sara nre mwariro tiro, Ne tiarinta riaate. Iniqintai mwovano nramwutaa vugaa ni qovarama saanarove, tiro.

²² Mwitaa tuvanta mwira nraaqiaravara mwuntusa sia suqe suvanta mwiravusua nkuiqa nkuiqa Sisasira mwata rie tinta, Nrora vaintio, re niarave tiaro? Sia ne mwivave, sia ne mwivave, timwaqinta vinta.

²³ Mwitaa timwaqti vuvaro Sisasiva tiro, Nrai mpereti mwaraase nivaqamase tanaaqi mwaati tumwaraariva mwi vaintiva ni qovarama saanarove.

²⁴ Ni mwataqai mwatatai nraaqiara niara ntaaru enaqaa mwitaa ni ruse kuara qumwaara ratorave. Mwi kuava mwivau vasianarove. Ni mwatani mwatatai nraaqiara qovarama saari vaintirara ne mpo se timwa mwatauko. Mwira nrova sia mwira mwatataqe sove tiatarave, tiro.

²⁵ Sisasiva mwitaa tuvaro Sutaasiva mwira qovarama saariva Sisasira mwata riero tiro, Mwaara ti mwariara vaintio, re niarave tiaro? tuvaro Sisasiva tiro, Eo, re tianarave, tiro.

Mpereti sararavaqa uaini nra-mairavaqa timwa tora

²⁶ Sisasira nraaqiaravaravano sara nre mwauvaro Sisasiva mpereti sara mwaraase Kotirara suqemave timwase uveqase nrai nraaqiarvara nyiro tiro, Mwaa sarara mwara nraate. Mwaa mperetiva ni mwavanama siso, tiro.

²⁷ Mwitaa timwase Sisasiva uaini nramai mwiragi vasu kaapura mwaraase Kotirara suqemave timwase mwinravusua viti nyiro tiro, Né esaa mwaa nramaira nraate.

²⁸ Mwaa nramaiva ni nraarema siso. Kotiva nraase qora vaqamase nkuaqa naataruse mwairero qaraasa kua

mwatarerove. Mwi kuava kempusaqama vasiarie tiro ni nraarevano mwi kuara kempusaqama saanarove. Ni rusaivaro ni nraarevano naariva vaaqara nraase qora saisaqa sitaro mwisua sia suqe kua nrunka nyataanarove.

²⁹ Ne tiarinta riaate. Mwaa enaraqaantai ne sia uaini nramai qava nrarenave. Ne sia nraraitina mwitaamaqi vuarinta né ni nkova naqisiariraqi nivaqa uro mwaivage ne mwi enaraqaa inivaqa mwaitana qaraasa uaini nramai nraasareve, tiro.

³⁰ Sisasiva mwitaa timwase nrai nraaqiaravaravaqa Kotirara isi timwase mwewane Orivi taaqiqaa vurama.

Pitaava nrai kua tirero siarinara Sisasiva mwira timwa mwura

³¹ Mwinravusua mwini vuvaro Sisasiva mwinravusua timwa nyiro tiro, Nenravu mwate enaqi ni mwaini sentama aatummaqi sanenta vivarave. Kotira vukuqi qumwaara rato kuava mate mwivau vasianarove. Mwitaa tiro:

Sipisipiqa naqisiari vaintira
Kotiva mwira nuqutu sairanta
sipisipi mwisua aatumase nyiariara nyiariara
sampleri mwona mwona vivarave, turave.

³² So naantiara ni mwara qaqi ntivima saqe ne mwariana ini vuni ne naane Kariri mwatani virenave, tiro.

³³ Sisasiva mwitaa tuvaro Pitaava qao tiro. Esaa mwinravusua ri mwaini senta aatumase sanama tenta vivaqe ne aasu rivaqa mwariasarave, tiro.

³⁴ Pitaava mwitaa tuvaro Sisasiva tiro, Ne tiarira re riaane. Mate enaqi kuko-raaravano sia qukarairara re taaramo nrau niara tira sia mwi vaintira takaukavave tinarave, tiro.

³⁵ Sisasiva mwitaa tuvaro Pitaava qao tiro, Ne sia riara sia mwira takaukavave tiasarave, tiro. Pitaava mwitaa tuvanta Sisasira nraaqiara mwonravuvanovaqa mwi kuara aasu tura.

Sisasiva Kotirara uro sapara sura

³⁶ Mwiraqaantai Sisasiva nrai nraaqiaravaravaqa mase uro viro saqava tutoraqi mwira utu Kesemanu mwiraqi urone nrai nraaqiaravarara tiro, Nenravu mwaini mwataqaa mwaivage ne mwuruni uro Kotirara sapara siase, timwase

³⁷ Pitaaravaqa, Sepetira mwaaqutanavaqa, mwinravusua aasu ntita mware mwini vitaro sia suqe aato ri ovaro mwira mwuntusavano sia suqe suvaro

³⁸ mwiva taaramonravuara tiro, Ni mwuntusavano nroraqamase nitampiso ni rusarero votaama vasisana mwauko.

Nenravu mwaqaqaa mwaitanta ni vaqamase mwaitanta vu mpairase takuetanta mwariate, tiro.

³⁹ Mwitaa timwase Sisasiva sia muasaqaqama vire uro vuriantantai mwataqaa untu niro Kotirara saparamase tiro, Mpo ni nko, re sove tirere ne nitampi nramaira nraarira votaa re mwi nramaira qaqini mwara saane. So sia ne nena mwaraataaraqaa mwararenave. Ne re mwaraase tinaraqaa mwararenave, tiro.

⁴⁰ Sisasiva mwitaa timwase uro nane nrai nraaqiara taaramonravu sonani untu takuovanta mwinravusua vu ruara suvanta vaite mwauvaro Sisasiva Pitaarara tiro, Naraqamave né taaramonravu ni vaqamase pataqa mwarianta sia vu mpairae senta takuetanta mwariavo?

⁴¹ Ininravuara mwinravusua sia suqe aira mwaraate tiro, Saataaniva ininravu amaqe siasorave mwirara rietanta né vu mpairase takuetanta Kotirara sapara si mwariate. Ininravu mwaranavano mwitaa siataa sisaro ini mwavanavano aasus sia so kempusaqa sisanta mwariavo, tiro.

⁴² Sisasiva mwitaa timwase qava taaramonravu mwini se uro qava Kotirara saparamase tiro, Mpo ni nko, mwaa kaapuraqi vasi nramaira sia re qaqini mwara saraitira niara mwira qaqi nraane tirere, ne re mwaraataaraqaa mwaraasarave, tiro.

⁴³ Sisasiva mwitaa timwase qava uro nane untu takuovanta mwira nraaqiara taaramonravu vu ruara suvanta vaite mwaura.

⁴⁴ Mwinravusua vaite mwauvaro Sisasiva qava mwinravusua mwini se uro vi Kotirara taaramo nrau sapara siro ota tunemase nkuua qaramase Kotirara saparama sora.

⁴⁵ Kotirara saparama taiqase Sisasiva uro nanero untu taaramonravuara tiro, Mpo, nenravu qaqi sositantave vaitaavo? Ni mwataqai mwataatai nraaqiara ni navaatavu mwarenta uro sia suqe si airara mware mwaisua mwisua ntaquqi ni sevarave.

⁴⁶ Ntivivagenravu vuare. Ni qovarama saari vaintiva nri mwaiso, tiro...

Iutaa vaintinravu ntuqaa Sisasira uro sora

⁵⁶ ...Sisasiva mwitaa tuvanta mwisua mwira navaatavu sovanta mwira nraaqiaravaravano mwira mwini senta nyiari aatu voruma.

⁵⁷ Mwira nraaqiaravaravano sane vuvanta Sisasira navaatavu sosua mwira vita mware Kotira nraavuqi aira mware mwaisua mwisua vunyaa vaintivano mwauraqi Kaiapaasira nraavuqi uro

sovanta mwi nraavuraqi mwaara osara ti mwau vaintivarsuavaqa, Iutaa vainti nroranravuvanovaqa, suntu nukaama mwaura.

⁵⁸ Sisasira vita mware uro se mwauvaro Pitaava niarantai mwisua ntataqi viro Kapiroasa nraavu mwatusani urone tosani mwantainga vutaqiqi viro mwi irainarava qovara siarira takuarero uro mwi nraavuraqa vaivaraara naqisi mwau vaintisua vaqamase mwataqaa mwairo mwaura.

⁵⁹ Pitaava mwini mwataqaa mwauvanta nraavuqi Kotira nraavuqaa naqisi mwau vaintisuavaqa, esaas mwiraqi suntu nukaama mwau vaintisuavaqa, mwisua Sisasira rusareranta Sisasiraaqaa muna kua mwataare tuvoro

⁶⁰ sia mwi kuava vuvanta qumina mwi kuara mpuaasitanta mwo vanti mwo vaintivano ntivinta Sisasirara muna kua tura. Mwitaamaqi aasu vuvanta mwiraqaantai vanti taaratanaavano ntivinta

⁶¹ Sisasirara tinta, Mwaa vaintiva mwitaa tisanta tetana riaunarave. Mwiva tiro, Ne soma Kotira nraavu mpairia sena mwiraqaantai taaramo ena aasu mwaringa mwi nraavura qava soqa taiqa saasarave, tisanta riaunarave, tinta.

⁶² Mwitana mwitaa tuvaro Kotira aira mwara mwate mwau vaintisua mwisua vunyaa vaintivano ntiviro Sisasirara tiro, Mwitaama riqaa kua mwate mwariavo? Re mwo? Re nyaritanara narave tinarave? tuvaro

⁶³ Sisasiva sia kua tiraitiro, tire mwauvaro qava vunyaa vaintivano Sisasirara tiro, Ne Kotira vuqaa mwaina mwira utu netana riarama qutaa kua tiane tuko. Qutaave Kotiva ri vusitisarave re tiri saisaga sirera Mesiaa vaintivano mwariavo? Qutaave re Kotira mwaaqavuno mwariavo? Re tiri timwa timwiqe riaare, tiro.

⁶⁴ Mwiva mwitaa tuvaro Sisasiva tiro, Re tianara ne mwaa mwivave. Ne tiarinta né riaate. Né naantiara takuaivaqe ne mwataqiqi mwatatai nraaqiarava nroraqama vina Kotiva kempusavano mwariarinani mwira saqu tanarananani mwataqaa mwaitana iravuqi tukusarave, tiro.

⁶⁵ Sisasiva mwitaa tuvaro Kotira aira mwara mwate mwausua mwisua vunyaa vaintivano nrai tuavaaqa nuqeqaamase tiro, Mpo mwiva Kotira vuqaa mwaitaro sia suqe si kuara aasu tiso. Mwo vaintivano mwiraqa kua mwatataarira qumina asara nevorave. Takuuate, né vaa riaavaroo mwiva Kotira vuqaa mwaitaro sia suqe si kuara tiso.

⁶⁶ Mwira saara né Sisasirara nara kuave tivarave? Né tivaqe riaase, tiro.

Mwitaa tuvanta mwisua tinta, Mwira sia suqe airavano virintoma vaise. Mwira saara mwira ruseva aasu vaise, tinta.

⁶⁷ Mwisua mwitaa timwase uro Sisasira vuriqi taara visise mwisua nyai saquqaantai mwira nuquutuse mwira vu aato nuquutuse mwisua mwira mwoganya kua tinta, Mesaia vaintio, qutaa re kua qovarama sera vaintiva mwairere sia takuaraitira ri nuquutuari vaintira utu tiqe te riaare, tinta tura.

⁶⁸

Pitaava Sisasirara sia mwira takauarave tura

⁶⁹ Nraavuqi ko timwaqinta vi mwauvaro Pitaava mwaatani mwatusaqa mwataqaa mwauvaro aira nraase mwovano Pitaara aaqani viro mwirara tiro, Revaga Sisasira mwaata Karirinyaavama mwariaro, tiro.

⁷⁰ Mwiva mwitaa tuvaro Pitaava mwisua ntuqua mwaitaro qao tiro, Re tiana kuara sia ne mwira qintuta surave, tiro.

⁷¹ Mwiva mwitaa timwase uro tosa qentana mwauvaro aira nraase mwovano Pitaara takuero mwiraqi ntivi mwausua timwa nyiro tiro, Mwaa vaintiva Sisasira Naasaretinyaara vaqamase mwaiavave, tiro.

⁷² Mwitaa tuvaro Pitaava saqu iqiqaa se tiro, Sia ne mwi vaintira takauarave, tiro.

⁷³ Mwitaa timwase sia muasaqaama mwauvanta mwiraqi ntivi mwausua Pitaava mwaunani uro nenta mwirara tinta, Sisasira nraaqiaravaravano mwi mwatanaasua mwariavara qutaama revaqa nkuaa mwi mwatanaava aasuma mwariaro. Mwisua tiri kua kuantase tianemase revaqa kuantase ti mwariaro, tinta.

⁷⁴ Mwisua mwitaa tuvaro Pitaava qava saqu iqiqaa se tiro, Ne sia qutaa kua tiariro Kotiva soma ni nuqutu saanarove. Ne qutaa tuko. Né ti mwaria vaintira sia ne mwira takauarara né tiao, tiro. Pitaava mwitaa tuvaro vaa kukoraaravano qukarora.

⁷⁵ Kukoraaravano qukarero suvaro Pitaava mwiraqaantai Sisasiva timwa mwu kuara riero. Sisasiva mwitaa turave. Kukoraaravano sia qukarairara re taaramo nrau niara tira sia ne mwira takauarave tinarave tu kuara Pitaava riatero mwiva mwaaqani vuvaro mwira mwuntusavano sia suqe suvaro mwiva nroraqamase natora.

27

Sisasira qunama tora

⁵⁷ Ena suvaro Arimatianyaava vaaqara irainara mwato vaintiva uro ne. Mwira

utu Sosepiva mwiva Sisasira nraaqiara-vano mwaura.

⁵⁸ Mwi vaintiva uro ne Pairaativa mwaura-raqi uro Sisasira mwavana miqe mwaqina qunama taase tuvaro Pairaativa nrai naqu vaintisua titero Sisasira mwavana mwira mwiate tuvaro

⁵⁹ Sosepiva uro Sisasira mwavana satariqaantai itu mwataqaa se qaraasa vaqaq tasuqu vaaqara mwarase mwira nraavumase

⁶⁰ mwaqi untu nrai naantiara qutu vuari-narara rietaro ori ukutoraqi mwira mwate nrora ori mwo mwira raapuqi vi ori ukutora mwira oqaa suvaite mwini se vuvanta
⁶¹ Mariaava Makataaranyaavavaqa, mwira kokova mwo Mariaavavaqa, mwitana mwataqaa mwauvaro mwutu mwatani Sisasira mwiraqi qunamato oriva vaura.

MAAKI

4

Vaintivano sara suku pisaqi vurara tura

¹ Sisasiva nruka tosan uro mwariro nraase qora mwasaasa timwa nyiase tuvanta nraase qora vaaqaravano ntunu nukaama mwainta mwira ututuma sovarora tiro, Sisasiva pisero mputuqi uro mwaari nero mwiraqi mwataqaa mwaairo nramaiqaa mwauvanta nraase qoravano mwutuni nramai tosana mwaura.

² Mwisua nramai tosana mwataqaa mwauvaro Sisasiva mwo kua mwo kuaqaa nuase tiro timwa nyura.

³ Sisasiva tiro, Ne tiarinta riaate. Vainti mwovano sara suku pisareru vurave.

⁴ Mwiva sara suku pisaqiro vuvaro sini sukuvano aara tosan untu nuvaro kuri-vano mwiri mwira nramwa sorave.

⁵ Mwitaa suvaro sara suku mwon-ravuvano ori mwataqaa untu nuvaro mwatavano sia mwevanigama vau mwatava vasavarora tiro sukuvano untu niro vaavaama kutovaro

⁶ suarivano nrinero itamaqi viro asaraqama sovaro mwira tuqavano sia mwataqi mwevani vurara tiro, aasarama urave.

⁷ Mwitaa suvaro sara suku mwonravuvano suqe su mwataraqaa untu niro suqe-maseniviro uro suqema tava riatoraro sini suva mwira aatarase niviro uro suqe tava vaaqara tava riatoraro sini suva mwira aatarase niviro uro suqe tava vaaqara tava riatorave, tiro.

⁹ Sisasiva mwi kuaraqaa nuase timwa taiqase tiro, Ini aato vasirente mwi kuara qintutamase riaate, tiro.

¹⁰ Sisasiva kua timwa nyi taiqa sovanta nraase qoravano nyiari mwaqa nyiari mwaqa vuvuro Sisasiva nraria mwauvanta mwira nraaqiara ¹² nravuvanovaqa mwo susuavaqa Sisasiva mwaunani nrinenta Sisasiva mwi kuaraqaa nuase tu osarara sia qintutama siraitinta, mwisua Sisasisa mwata riovoro

¹¹ Sisasiva mwisua timwa nyiro tiro, Kotiva nraase qoraqaa naqisiari kuara qumpau tai kuara mwi kuara Kotiva iniara qaqi sairanta mwi kuara osara riaate timwase mwiva qaqi nraase qora qaqini mwaisua mwi kuara osara sia qintutama sera timwa nyiane tisana ne mwi kuaraqaa

nuase mwisua timwa nyitana sia mwi kuara osara mwisua timwa nyuko.

¹² Ne mwo kuaqaa nuase tiarinta nraase qoravano rientama sia qintutamase rievarave.

Mwisua ni kuara aato tarase sia qintutamase rievarave.

Mwisua nyiari sia suqe si airara qaqira pisaisarove

Kotiva mwisua nyiari sia suqe si airara mware kuara nukaama nataanarove, tiro.

¹³ Sisasiva mwitaa timwase mwiravusuara tiro, Né mwo? Ne mwi kuaraqaa nuase tu osarara né siave qintutama riaavo? Né sia mwi kuara osara qintutama riarainta naantiara ne mwo kuaqaavaqa nuasena tiari kuara né ntataama senta so qintutamase rievarave?

¹⁴ Ne ota mwi kuaraqaa nuase tu osarara ini timwa nyirenave.

Vaintivano sara suku mwataqi pisora mwi kuara osara vairero Kotira kuama vaiso.

¹⁵ Sara sukuvano aaraqaa untu nora mwira osara vairero vainti nraase qora mwonravuvano mwi sukura votaama mwariasuave. Mwi vainti nraase qorasua Kotira kua riaavarro Saataaniva nrinero mwisua vu aato mwuntusaqintai mwi kuara navisi mwairarave.

¹⁶ Ori mwataqaa untu ni sukura osara vairero nraase qora mwonravuvano mwariasuave. Mwinravusua Kotira mwasaasa rienta mwi kuarara riari-masemwariavarro

¹⁷ Kuavano sia mwisua mwuntusaq visanta mwi nraase qorasua sia mwi kuara mwo nrau mwo nrau riarainta mwariavanta, mwi kuara saara mwo siasua mwisua sia suqema utu nyatare siavanta mwisua tiri riorave tinta Kotira kua vaa qaqira pise mwaria vainti nraase qorasua mwariarave.

¹⁸ Nraase qora mwonravuvano kuankusa kutoraqi piso sukura votaamase mwariasuave.

¹⁹ Mwi nraase qorasua Kotira kua rienta mwiraqaantai mwisua mwataqiaa irainarara nroraqamase riaqinta vitanta monorave mwo irainararave riariamaqi vitanta mwo irainara mwo irainara mwararenta riaqinta vinta Kotira kua qaqira pisavarro Kotira kuavano sia mwi nraase qorasuaqi vaisanta mwariarave.

²⁰ Mwisua mwitaa siavanta mwo vainti nraase qoravano suqe mwataqaa untu ni sukura votaama mwariasuave. Mwi nraase qorasua Kotira kua rienta mwi kuarara quataave tinta mwi kuara riaqinta vinta suqe aira Kotirani mwaqi vuarave. Mwisua sininravuvano Kotira kua rietanta aatarase suqe aira Kotirani mwaqi vinta

mwariavanta sini nravuvano mwisua aatarase suqe aira Kotirani mwaqì vinta mwariavanta sini nravuvano mwisua aira aatarase suqe aira Kotirani mwaqinta vuarave, tiro. Sisasiva mwi kuara turama.

5

Sairaasiva Sisasira uro vitora

²¹ ...Sisasiva mpotuqi viri nane nrukaqi tare sinyaa tarasini uvanta mwini nraase gora vaaqaravano suntu nukaa nukamase Sisasiva mwaunani ututuma mwauvaro

²² vanti mwovano mwi mwatusaraqi mwaara nraavuqaa naqisi mwaava Sairaaiva mwiri nriro Sisasira takue uro mwira iqutarani unto niro

²³ mpo se tiro Sisasirara tiro, Ni naavuvravano qutuariva mwataqa vaiso. Revaqa vaa nritara rena saqu mwiraqaa mwatairaro mwira qaravano taiqairaro so qaqi mwariarive, tiro.

²⁴ Mwi vaintiva mwitaa tuvaro Sisasiva mwiravaqa vura.

³⁵ ...Sisasiva mwiravaqa aarana vi mwauvanta vanti mwonravuvano Sairaaiva nraavuqintai nritanta Sairaaiva ventita mwirara tinta, Mpo, ri raavuvravano qutu viso. Mwaara ti mwai vaintira re sia naavata vuane, tuvaro

³⁶ Sisasivavaqa mwinravusua kua riero mwaara nraavuqaa naqisu vaintirara tiro, Sia aatu siane. Re niara nroraqamase riaane, tuvo.

³⁷ Sisasiva mwitaa timwase mwiva Pitaravavaqa, Semisiravaqa, Semisira qata Soniravaqa, mwinravusua aasu ntita mware

³⁸ uro Sairaaiva nraavuqi uro takuvanta vanti nraase qoravano nroraqama senta mpo tinta nate mwauvaro

³⁹ Sisasiva nraavuqi mwaari nero tiro, Narare né nate mwariavo? Mwi kuaasiva sia qutu viso. Mwiva qaqi vaite mwaiso, tuvo.

⁴⁰ Sisasiva mwitaa tuvanta mwisua Sisasiva tu kuarara qaqi aaritaru suvaro Sisasiva esaas nraase qora raaqu mwaqaqani se kuaasi mwira nrosua qosuavaqa, taaramonravu nraivaqa nrusuavaqa, Sisasiva mwinravusua aasu ntita mware kuaasivano qutu vunani uro

⁴¹ mwira saqu tuaarerere nrai kuanantai tiro, Tarita kumi - mwaa kuaasio, ne riara nti vuane tuko, tiro.

⁴² Sisasiva mwitaa tuvaro mwi kuaasiva vaa ntiviro nrue mwauovo. Mwi kuaasiva 12 isi mwarasova ntiviro viro nriro mwauvanta mwinravusua mwira takuenta mpo mpo tinta saqu nunkinkiraara tenta sintu mwauvaro

⁴³ Sisasiva mwinravusuara irora siro tiro, Né mate takuaa airara sia mwo vaintivaqa timwa nyiate. So mwaa kuaasirara sara aasu mwiate, tuvo. Sisasiva mwi kuara turama.

6

Sisasiva pata sara vaaqara vaqamase nura

³¹ Mwo ena vaaqara nraase qoravano Sisasira takuarenta vitare nritare si mwauvanta Sisasivavaqa nrai vaintivaravaqa sia so sara nrarenta qaqi mwauvaro Sisasiva mwitaa tiro, Vivaqenravu sia vaintivaqa sisanta uro mwariare, tiro.

³² Mwitaa timwase nrai vaintivaravaqa ntitero mpotuqi mwaari nero nriramai nrukaqi tarero qumina santa virero vura.

³³ Mwinravusua mwini senta uvanta vaaqara nraase qoravano mwinravusua takuenta mwinravusua mwini virenta sunanira rienta mwo mwatusaqi mwo mwatusaqintai mwisua sanenta nriramai nruka tosantata mwata nuna sanenta uro Sisasiva vuase tunaniara mwisua nanenta uro nenta.

³⁴ Mwisua nanenta uro novaro Sisasiva uro ne mpotuqintai mwataqi mwaavi ne takuvonta nraase qora vaaqaravano nukaa sintu mwauvaro Sisasiva mwisua mpo tiro mwitaa tiro, Vaintivano sia sipisipiqaa naqisi mwariantsa sipisipivano nyariara sampi nrue mwaria sipisipisua mwisua votaasua mwaa nraase qorasuavaqa sampi nrue mwariavo, tiro. Mwitaa timwase Sisasiva mwinto mwaiitaro mwisua mwo kua mwo kua timwa nuvo.

³⁵ Sisasiva kua tiaqi vuvaro suarivano tutkiro vuyanta Sisasira vaintinravuvano mwirara tinta, Mwaini qumina mwatasanivate. Ena siaso.

³⁶ Re nraase qora ntusi tiranta mwisua mwo mwatusa mwo mwatusa nruenta ori ninta sara mwaraate. Mwisua sia saravaqa mware nriasiave, tuvo.

³⁷ Sisasira vaintinravuvano mwitaa tuvaro Sisasiva qao tiro, Néntavano sara mwisua niate, tiro. Mwitaa tuvanta mwinravusua qao tinta, Te nrora orive 200 kinnaave sove ninta sara mwasenta mwisua niaraarave? tuvo.

³⁸ Mwisua mwitaa tuvaro Sisasiva nrai vaintinravu mwata riero tiro, Nara nara mpereti sarave vaiso. Né uro takuaate, tiro. Mwitaa tuvanta mwinravusua uro takuenta Sisasira timwa mwinta tinta, Mpereti sara nkuua saquru aasu vaiso. Tavusa taarama aasu vaiso, tuvo.

³⁹ Mwinravusua mwitaa tuvaro Sisasiva nraase qorara tiro, Né esaa musau santa mwataqaa mwariate, tiro.

⁴⁰ Mwitaa tuvanta mwisua mwo santa 50 nravuvano mwataqaa mwauvanta mwo santa 100 nravuvano mwataqaa mwauvanta mwitaamaqi vinta vinta esaa nraase qoravano mwataqaa mwauvaro

⁴¹ Sisasiva mpereti nkuaa saquru mwase tavusa taarama mwase naavuni takuetaro Kotirara saparamase sarara sujemeave, tiro. Sisasiva mwitaa timwase mpereti sara uveqase mwiva nrai vaintinraru niro tiro, So né sara mwarenta uro mwisua nivanta mwisua esaa nraate, tiro. Sisasiva mwitaa timwase mwiva tavusa taaramavaqa mwase airase nyovo.

⁴² Sisasiva mwi sarara nrai vaintivararanru nyuvanta mwiravusua uro nraase qora nyuvanta mwisua esaa so nrorama.

⁴³ So nrovanta Sisasira vaintinravuvano mwiraqaantai vunato tuara nrora tua mwarenta uro nraase qoravano mperetivaga tavusavaqa nretanta viti piso sarara suntu senta nrora tua 12 nravu ntunu senta kuraama sorama.

⁴⁴ Mwi enara 5000 qoravano mwi sarara nrovanta nraase vaaqaravanovaqa mwi sarara nrorama...

10

Sisasiva Vatimiasira vu mpaira sora

⁴⁶ Sisasiva nrai vaintivaravaqa viro Seriko mwatusani uro viro mwi mwatusara aatarero vire suvanta nraase qora vaaqaravano mwira vataqinta vi mwauvaro vu qimpa vu vaintiva Vatimiasiva Timiasira mwaaquvano mwairo mwitaa su irainarara naaru tiro miate ti mwauvaintiva aara tosani mwataqaa mwairo.

⁴⁷ Mwiva mwini mwitaro Sisasiva Nasaretinyaava nriraraarirara riero mwiraqaantai mwiva nroraqamase Sisasira saparamase tiro, Sisasio, Ntevitira mwaaquo, re niara mpo tiane, tuvo.

⁴⁸ Vu qimpa vu vaintiva mwitaa tuvanta nraase qora vaaqaravano mwirara irora sintu tinta, Re o suvaitaane, tuvaro mwi vaintiva sia mwisua kua riarero qava nroraqamase saparamase tiro, Ntevitira mwaaquo, niara mpo tiane, tiro.

⁴⁹ Vatimiasiva mwitaa tiaqi vuvaro Sisasiva mwiraqa ntiviro mwairo tiro, Sapara sivaro nriarive, tuvanta mwisua vu qimpora saparamase tinta, Re riariamase mwariane. Nti vuane. Mwiva ri sapara siso, tinta.

⁵⁰ Mwisua mwitaa tuvaro vainti mwiva nrai vaqa utora raaqu qaqini se ntiviro Sisasiva ntivi mwaunani vuvaro

⁵¹ Sisasiva mwira mwata riero tiro, Ne ri ntataa siase tukare re nriaro? tuvaro vu qimpa vuva tiro, Mwaara tiara vaintio, re ni mpu mpaira saane tina nrukavave, tiro.

⁵² Mwitaa tuvaro Sisasiva tiro, Re so vinarave. Re niara mwiva so ni saisaqa sianarove tiararoma ri vuvano sujema viso, tiro. Sisasiva mwitaa tuvaro mwira vuvano mpaira vuvaro mwi vaintiva so takuora. Mwiva so takuova Sisasivavaqa mase aarana vura.

12

Uaini sana mwara tutoraqaa sia suqe-mase naqisu vaintisuara tura

¹ Sisasiva mwitaa timwase mwo kuaqaa nuase mwisua timwa nyiro tiro, Vainti mwovano uaini sana mwara tute tosan urisa rate mwata qukuse uaini tava tatiarira ututuse vaivaraara tainta utute mwate niarani mwo mwatani virero siro mwo susua timwa nyiro tiro, Né ni uaini vutaaqqa ninani naqisi matenta né sini uaini tava siqisenta nénta mwarentanta sini uaini tava mwara ninani mataate, tiro. Mwitaa timwase mwiva niarani mwo mwatani vurama.

² Mwini uro mwauvaro uaini tava siqu enava nrinovaro mwiva nrai aira vainti mwo titero tiro, Re uro ni nraasoqaa naqisi mate mwaisuara tiranta uaini tava ninanivaga siqi mataate, tuvoro

³ mwira aira vaintivano mwini vuvanta mwira nraasoqaa naqisi mwate mwauvaintisua mwira aira vainti navaatavu senta saavuqaantai mwira nuqutuse mwatentia sia uaini tava siqi mwiraitinta, qaqi mwira titovaro uro nane vura.

⁴ Qaqi uro nane vuvaro nraaso qova nrai aira vainti mwo titovaro vuvanta mwira nraasoqaa naqisi mwate mwausua mwira aira vainti qiata rasenta sauri irainara mwurama.

⁵ Mwitaa suvaro nraaso qova nrai aira vainti mwo titovaro vuvanta mwisua mwira rusenta. So mwitaamaqi vinta sini mwira aira vainti titosua saavuqaantai nuqutusenta sini rusorarama tina.

⁶ Mwira aira vaintinraru taiqa sovaro vainti nkuaqa aasu mwaura. Mwi vaintiva nraaso qora mwaaquvano mwauvaro mwira qova nrai mwaaquara mwuntusa nuvaro mwau vaintiva mwauvaro mwira qova mwiravaqa naantiara esaara titero tiro, Mwisua ni maaqu takuenta niara mwira mwaaquve titanta mwira sujema mwatevarave, tiro.

⁷ Mwitaa timwase nrai mwaaqu titovaro mwini vuvanta mwira nraasoqaa naqisi mwate mwau vaintisua mwira mwaaqu takuenta nrai timwa mwi nrai timwa mwinta tinta, Mwira qova qutu viraro mwaa vaintiva nrai qora mwatavaqa mwitaa irainaravaqa mwaraarivama mwaiso. Mwaraiavaqe te mwira rusaararo

mwiva mwarare siari irainarava tirini
asau vasiarive, tinta.

⁸ Mwisua mwitaa timwase mwira
mwaaku navaatavuse ruse mwaatani
mwaati mwira pisorave, tiro.

⁹ Sisasiva mwitaa timwase mwiva nraase
gora mwata rie tiro, Mwisua mwitaa
surara tiro, nraaso qova nrai mwaaku ru-
sorara ntataave sianarove? Nraaso qova
nrine nrai nraasoqaa naqisi vaintisua ru
taiqase mwonravuara tiro, Né ni nraaso-
qua ninani naqisi mataate, tianarove.

¹⁰ Né siave Kotira vukuqi mwaa kuara
saara nitanta riaavo? Mwi kuava
mwitaama tiso:

Ori nraavu utitanta mwo oriara
sia suqe orive timwase qaqira pisaa oriva
mwi oriva pusa origama viso.

¹¹ Kotiva mwi orira mwarase nroraqama
sairara tinta, te Kotira aira takue-
tanta suqe airave turo, turave.

Kotira vukuqi mwitaama qumwaara
torave. Né siave mwi kuara qumwaara
tentantave qintutama riaavo? tiro.

¹² Sisasiva mwitaa tuvanta Iutaa nrora
vaintivaravano qintutama riovoro Sisas-
iva uaini vutaqaa nraqisi mwato vainti-
suara titaroma mwiva mwisuaqaa nu-
ase tuvanta mwisua Sisasira navaatavuse
ko mwiare timwatentaa nraase qoravano
mwirqa suntu nukasusua tiri irora
sivo tinta mwisua aatu sintaa sia Sisasira
navaatavu saraitinta, qaqqira pisenta vu-
rama...

15

*Sisasiva Paireativa mwaunani vitaqinta
uro sora*

¹ Mwi qararaara toqaqi Kotira aira mwara
mwatate mwau vaintisua mwisua nrora
vaintivaravaqa, Iutaa nrora vaintivar-
avaqa, mwaara osara ti mwau vainti-
suavaqa, esaa kaanasori vaintivaravaqa,
mwisua suntu nukaama vinta mwaitanta
mwisua tiare tu kuara suntu nukaama
mware Sisasira seni sanaqaantai mwira
rumpa mware Paireativa kamaanira nrora
vaintivano mwauraqi uro sora.

² Uro sovaro Paireativa Sisasira mwata
riero tiro, Qutaave re Iutaa mwatanya-
sua ntaarunya vaintivano mwariaro? tu-
varo Sisasiva tiro, Re tiarava ne mwaa
mwivama siso, tiro.

³ Mwitaa tuvanta Kotira aira mwara
mwate mwau vaintisua mwisua nrora
vaintinravu mwo kua mwo kua saara Sisa-
ira irora si mwauvoro

⁴ Paireativa mwisua kua rietaro qava
Sisasira mwata riero tiro, Re siave nyari-
vaqa tinarave? Mwisua vaaqara kua saara
ri irora si mwariavo, tiro.

⁵ Mwitaa tuvaro Sisasiva qava kem-
pusaqamase sia kua tiraitiro mwauvaro,
Paireativa vaaqara aato ti mwaura.

*Naqu vaintisua Sisasira kuaaritarama
mwatenta mwira nuqtura*

¹⁶ Paireativa nrai naqu vaintisua ntaquqi
Sisasira pisovanta mwisua mwira vitaqiqi
uro kamaanira nraavuqi se mwisua nyari
sena naqu vaintisua esaa sapara sintaa
suntu nukaama mwainta

¹⁷ Sisasirara mwoqanyaa kua tinta
ntaarunyaa vainti vaaga votaa sura
rumpa mwataare tinta nraare vaaga
rumpa mwatentaa mwiraqaantai quki sana
mwarase qututumase ovaqa votaamase
Sisasira qiataqaa qumwa tenta

¹⁸ munaqamase mwisua nyari ntaqu
vuriqaa mwatentaa muna kua timwa
mwinta tinta, Iutaa mwatanya ntaarun-
yaa vaintio, re mwarirave? tinta.

¹⁹ Mwitaa timwase mwisua saavuqaantai
Sisasira qiata nukavusenta mwiraqaantai
taara visise mwira vuqaa tori naqunta-
menta muna riariasitanta mwaura.

²⁰ Mwitaamajinta vitanta mwira nuqu-
senta aaritara sintaa taiqase mwiraqaantai
mwisua nraare vaaga rumpa mwato-
ra avanuse Sisasira nrai tuavaaqa utu
mwatentaa mwira satariqaa niri rutenta sir-
itarenta Sisasira vita mwarenta vurama.

Sisasira satariqaa niri rutenta siritora

²¹ Naqu vaintinravusua Sisasira satariqaa
niri rutenta siritarenta sitanta mwira
vitaqiqi mwatusa mwaqani aarana vi
mwauvaro vainti mwovano mwira utu
Saimoniva mwintairo nrora mwatusani
virero suvanta mwisua mwirara
kempusaqamase tinta, Sisasira satari
re mwara qu mwariro uro mwataane,
tuvaro Saimoniva mwira satari mwara qu
mwariro uro mwatoro. Saimoniva Sairini
mwatanyaava mwiva Arekisantasua
Rupusua mwitana qovama mwaura.

²² Mwisua Sisasira vitaqiqi uro qumina
santa Korokotave tunani sora. Korokota
mwaa kuaraqintai tirenta, Qiata Mwusaari
santave, tunani Sisasira uro se

²³ uaini nramai mwiragi sunkavu
irainara kuantase mwato nramaira mwira
mwirenta suvaro Sisasiva sia nrora.

²⁴ Sia nrovanta mwisua mwira satariqaa
niriqaantai rutenta mwira tuavaaqa
mwarase ntasua ntasua so mwarevarare
timwase mwisua kaati ruanema setanta
ori pisetanta Sisasira tuavaaqa ntusamase
mwarora.

²⁵ Toqaqi suarivano mammatama vau-
vanta Sisasira satariqaa rutora.

²⁶ Mwira satariqaa rutenta Sisasira
qiatani kua mwo mwira ko timwa
mwato kuara qumwaara ratenta satariqaa

rutovaro mwi kuava mwitaama tiro, MWAA VAINТИVA IUTAA MWATANYAASUA NTAARUNYAA VAINТИVE, tiro. Mwi qumwaarava mwitaama vaura.

²⁷ Mwisua Sisasira satariqaa rutetanta Sisasiravaqa vanti taaramavaqa rutowanta mwitana muara mware mwausua mwauvanta mwisua vanti mwo Sisasira saqu tanaranani niri rutenta vanti mwo Sisasira saqu saantotanani niri rutora.

²⁸ (Sisasiravaqa mwitanavaqa rutorara tiro, Kotira vukuqi kua mwo qumwaara tova mwiva qovara sura. Mwitaama tiro: Mwiva sia suqe si vaintisua vaqamase mwarianarove, tura.)

²⁹ Mwitaama rutowanta nraase qoravano vitare nritare sinta mwiri takuenta nyari vauru iqisenta Sisasira sia suqe kua timwa mwatentia tinta, Qike, re tira, Kotira nraavu mpaira senama taaramo enaqaa aira mwaretanama qava soqa taiqa saasareve, tianara mwo?

³⁰ So rena saisaqa siane. Rena satariqaantai miavi naane, tinta.

³¹ Mwisua mwitaai ti mwauvanta mwisua tunemasenta Kotira aira mwara mwate mwauusua mwisua nrora vaintivaravanovaqa, mwaara osara ti mwau vaintisuvavaqa, mwisua Sisasirara aaritarama mwate tinta, Mwiva mwo siasus nraasu saisaqa si mwaiva siama nrai so saisaqa sianarave.

³² Mwiva Kotiva titai vaintiva Mesaia vaintivanove mwaiso? Mwi vaintiva Isaraari mwatanaaa ntaarunyaa vaintivanove mwaiso? Sage te mwaitanta takuaararo mwiva nrai satariqaantai miavi nero mwatanani tukirere te mwirara qutaa tiare, tinta...

16

Sisasiva qutu vuraqintai qava qaqi ntivura

¹ Sarareeqaa Iutaa mwatanaasua mwaara ena taiqovanta Mariaava Makataaranyaa nraasevanovaqa, mwira kokova Iemisira nrovavaqa, Saromevavaqa, mwi nraasesua ori aque suqemase mwunuta vu irainarara mwaqinta Sisasira mwavaqaa qumwatarenta vura.

² Saante toqaqi suariano mwirini nruvanta mwiravusua Sisasira qunama toraqi virenta vura.

³ Aarani vitanta mwiravusua nrai mwata rie nrai mwata rie sinta tinta, Tenravu mwini uro naararo ntavave ori nrora qentana suvaito orira raaqu timwataanarove? Mwi oriva nrora orima vaiso, tinta.

⁴ Mwitaa timwase mwiravusua nrienta takuovaro ori qaquinani raaqu qaquinissova vaura.

⁵ Orivano mwitaama vauvanta takuenta mwiravusua oriqi mwerane takuovaro vanti mwo qaraasa vaintivano tasuqu tuavaaqara ututo vaintiva mwiraqi sini saantaaqi mwataqaa mwaura. Mwiva mwiraqi mwauvanta mwira takuenta mwiravusua aato suvaro

⁶ mwiva tiro, Sia aatu siate. Sisasira Nasaretinyaara satariqaa rutaa vaintira nénravu mwira mpuuasi mwariavo? Mwiva sia mwaaqi mwaiso. Mwiva qaqima ntiviso. Nénravu takuaate. Mwaini mwira mwataanani siama mwaiso.

⁷ So mwaa kuara mwaqinta uro mwira nraaqiaravaravaqa, Pitaaravaqa, timwa nyiate. Mwitaama timwa nyiate. Mwiva naane ini ntuni Kariri mwatanima viso. Nénravuvaqa mwini uro vinta mwira takuevarave. Ntaaru mwiva mwitaro mwirara ininravu timwa nyura mate mwivama qovarama viso. Mwi kuara timwa nyiate, tiro.

⁸ Mwiva mwitaa tuvanta aatu sitanta tinta mwiravusua Sisasira qunama toraqintai mwevane sanenta aarani vinta sia mwosuavaqa timwa nyiraitinta vura.

RUKI

7

Taqe nraase mwira mwaaquara tura

¹¹ ...Sisasiva mwo mwatusa mwira utu Neni mwatusani vuvanta mwira vaintivaravanavaqa vaqaara nraase qoravanavaqa Sisasira vataqinta vuvaro

¹² Sisasiva mwi mwatusara qentaa uro takuovanta mwi mwatusaraqintai nraase qoravano qutu vu vaintira mwarenta mwira qunarenta timwa tenta nrurama.

Qutu vu vaintiva taqe nraase mwira mwaaquvano mwauvanta vaqaara nraase qoravano mwi nraaseravaqa mwasenta nruvaro

¹³ Sisasiva mwi nraasera takuovaro mwira mwuntusa nruvaro Sisasiva mwi nraaserara mpo se tiro mwirara tiro, Sia nataane, tiro.

¹⁴ Sisasiva mwitaa tiate uro qinkera tumwarovanta vaintinravuvano qinkera mwira mwarosua mwiraqaa mwataate mwauvaro Sisasiva tiro, araasa vaintio, ne riara qaqi nti vuane tuko, tiro.

¹⁵ Tuvaro qutu vu vaintiva ntiviro qutu-raqintai ntiviro kuavaqa tuvaro Sisasiva mwi vaintira nrai nrora mwurama.

¹⁶ Sisasiva mwitaa suvanta vainti nraase qora esaa nroraqamase aatu itovanta Kotira utu tuaare renta tinta, Mpo paropeti vainti nroravano tiri yutaaqaa qovarama viso. Te Kotira nraaqiara suraro mwiva sia tiri pisavave, tinta. Mwisua mwitaa tuvaro Sisasiva aira mwaro mwasaasava esaa Iutaa mwaatanivaqa Iutaa mwata mwataqa vau mwatusaniaravaqa viro mwi kuava vitaro nritaro suvanta esaa mwi kuara riorama.

12

Kotira aatu aasu aatu sinta mwariate turama

⁴ Ni namwunao, ini mwavana aasu rus-esua sia mwisua aatu aatu siate. Mwisua ini rusenta ini mwaranavaqa sia so ruse-varave.

⁵ Né ntara aatuve sivara siavo? Saqe ne ini timwa nyiase. Né Kotira aatu aatu siate. Mwiva kempusaqa siva mwitaro mwiva vainti mwo ruse mwiraqantai so mwi vaintira qutu visua vuanani untu pisaisaro mwaiso. Eo, ne iniara tina, Né Kotira aatu aatu sinta mwariate tuko, tiro. Sisasiva mwi kuara turama.

Vaaqara irainara mwatato vaintirara turama

¹⁵ ...Sisasiva esaa vainti nraase qora timwa nyiro tiro, Né surauri mwariate. Né vaaqara irainarave vaaqara monove mwarenta mwirara nroraqamase nau riaqi vivo. Né vaaqara irainara mwatate so mwaiqi vuaararave tivo. Vaaqara irainaravano sia ini saisaqa siranta né suqemase mwaiqi vivarave, tiro.

¹⁶ Sisasiva mwitaa timwate mwiva mwo kuqaqa nuase timwa nyiro tiro, Vainti mwovano vaaqara irainara mwatova sarasaapa mwo utuse mwiraqantai vaaqara sarasaapa mwase

¹⁷ nrai timwase rie tiro, Ne ntaa nraavu-raqive mwaa sarasaapara mwataasarave? Esaa ni nraavuqi sarasaapavano suaiqa siso, tiro tuvo.

¹⁸ Mwitaa timwate mwiva qava tiro, Saqe ne esaa nraavu nuquraasena qava nrora nraavu vaaqara nraavu soqasena mwiraqiqi sarasaapavaqa mwitaa si irainararavaqa mwataase.

¹⁹ Ne mwi airara taiqa sena mwitaa tiase, Ne suqema mwauko. Vaaqara sarasaapavaqa vaaqara irainaravavaqaisana ne vaaqara isi qaqi mwaiqi vina mwaa sarasaaparavaqa nramaivaqa nramwaqi vina suqemase mwariasarave tiase, tiro.

²⁰ Mwi vaintiva mwitaa tuvaro Kotiva mwira timwa mwiro tiro, Sia ri vu aato vaisarave. Mate enaqi re qutu vinarave. Re qutu viraro rena tutase tiana irainarara mwovano mwi irainarara mwaraanarove turave, tiro.

²¹ Sisasiva nraase qora mwitaa timwa nyiro mwi kuara taiqase mwiva mwisura tiro, Vaintivano soqara aasu nau ri-raqi viro esaa soqaa vaaqara mwataatativa mwairaro Kotiva mwi vaintirara tiro, Ri soqaa qumina irainarave. Ne takaukara re mwaaqu vainti mwariaro. Re qaqi qutu vinarave tianarove, tiro. Sisasiva mwi kuara mwitaa turama.

15

Raumpirima vu vaintirara
Sisasiva mwaa kuara timwa te tiro:

¹¹ Nraaru vainti mwovano qora nraaqiara taarama mwataatova mwauvaro

¹² naantiaraava mwitaro nrai qorara tiro, Naantiara re ni miase tina irainarara mate vaa miane, tiro. Mwitaa tuvaro mwira qova nrai mwato irainarara nuqaaqamase nrai nraaqiaratana mwora mwiro mwiro suvaro

¹³ mwira mwaaqu naantiaraava pataqaa mwitaro mwira qova nrai mwu irainarara mwoosua nyiro ori mwarero untu niarani mwo mwatani mwariase tiro vura.

Mwiva niarani mwo mwatani viro mwini mwaitaro mwiva sia suqe vaintiravuqa mwariqiro viro

¹⁴ nrai ori uro taiqa sero. Mwira orivano taiqa vuvaro mwauvaro mwi mwatarani sia saravaqa vaunani nrora qaaranovaro

¹⁵ mwiva mwaaqi vanti mwitaro mwi mwatanaasua mwo vaintiqaq aira mwarama. Mwiva mwo vaintiqaq aira mware mwauvaro mwirara uro quara sara nyiane tuvaro

¹⁶ mwiva quara sara nyiro tiro, Mpo, nevaqa quara sara viti nyura nraataarave tuvaro mwira sara mwiari vaintiva sia mwauvaro

¹⁷ nraataa suvaro mwi vaintiva mwariro aato tusero nau riase tiro, Ni nkora saiqa vaintivaravano vaaqara sarasaapa nre mwariavana ne mwaanto mwitana sara nraataa sisana mwauko.

¹⁸ Saqe ne nena nkova sinani nanena vuase. Ne uro nanena mwirara mwitaa tiae. Ni nko, ne Kotira vuqaavaqa ri vuqaavaqa qaqiraqa si airara mwarauko.

¹⁹ Ne mwitaa sinarara tina, ne sia so ri nraaqiara suqeva mwariasarave, Ne ri saiqa vanti aasu mwariasarave. Ne uro nanena ni nkora mwitaa tia mwiase, tuvo.

²⁰ Mwi vaintiva mwitaa tiasero mwiva ntiviro nrai qova sunani nrurama.

Mwiva mwini aarani viro mwira qora nraavu mwataqa nruvaro mwira qova mwira mwutu takue mwiva mwirara riariamase sanero uro mwira mwaaqi navaatavuse mwira suvuqamase mwauvaro mwira mwaaquvano tiro,

²¹ Ni nko, ne Kotira vuqaavaqa ri vuqaavaqa qaqiraqa si airara mwarauko. Ne mwitaa sukavara tina, ne sia so ri nraaqiara suqeva mwariasarave, tuvo.

²² Mwitaa tuvaro mwira qova nrai aira mwaro vaitirara timwa nyiro tiro, Né uro tuavaqaqa suqera aasu mwaqinta mwiri mwira mwiate. Saantavavaqa iraravaqa mwasesha sunwataate.

²³ Purumakau nraativaga rusenta suntaate. Mate mwaasua mwirara riariama saare.

²⁴ Ni maaquvano qutu viso tukaro qaqi nrinaiiso. Ni nraaqiaravano raumpirima viso tukaro qaqi qovarama viso, tuvo. Mwira qova mwitaama timwase riariamase sarasaapa mwase mwisua mwira vaasua utunurama.

²⁵ Mwisua mwira vaasua uti mwauvaro mwira vasaava saiqaqintai nrinero riovanta

²⁶ isi ti mwauvaro riero mwiva nrai qora aira vanti mwo mwira riovoro mwiva mwitaa tiro,

²⁷ Ri qatavano mwevantai nrinaisaro ri qova mwirara riariamase purumakau

nraati rusero sunta mwataiso. Mwiva ri qata suqemase vitase mwitaa riariamase mwaiso, tuvo.

²⁸ Mwitaa tuvaro mwira vasaava mwauvaro rara itovaro iqiru tusero sia nraavuqi virero mwaatani mwauvaro mwira qova mweva nero mwira sapara suvaro mwira mwaaquvano mwitaa tiro,

²⁹ Ne vaqaara isi ri aira mwarenta mwitana sia ne mwo enavaqa ri kua anuauko. Ne nena tontivaravaqa riariama saare tukara re sia memeraa nraati mwonku nuqutu sera ni miaro.

³⁰ Mwaava ri mwaaquvano nraaserara nuaararo mwitaro mwiva re mwiana irainarara mwarerero untu taiqase untu nane nrirarama re mwirara purumakau nraati suqera qumina mwirara nuqutu sera mwiaro, tuvo.

³¹ Mwitaa tuvaro mwira qova qao tiro, Ni maaquo, re nivaqa mwariaravave. Ne mwu irainarara tentatana mwataunarave.

³² Ri qatavano qutu viso tukaroma qaqi nrinaiiso. Mwiva raumpirima viso tukaroma qaqi qovarama viso. Mate te mwirara riariamase mwariare, turama. Sisasiva mwi kuara turama.

16

Sisasiva Rasarusirara tu kuara

¹⁹ Sisasiva mwitaa timwa sero mwiva mwo kua nraase qora ntu nusua timwa nyiro tiro, Vanti mwovano vaaqara irainara mwatatavo suqe tuavaqaq nukutova mwo nrau mwo nrau suqe su sarara aasu nretaro mwauvo.

²⁰ Mwi vaintiva mwi sarara aasu nretaro mwauvaro vanti mwovano mwira utu Rasarusiva mwauvanta mwosua mwi vaintira vitenta uro vaaqara irainara mwato vaintira qentaaq i sovaro mwiva mwinto mwauvo. Mwi vaintiva sia irainaravaqa mwato vaintiva mwaqu vaintivano mwauvaro nrumbwaaravano esa mwira mwavanamaata vauvaro

²¹ mwi vaintiva mwitaro vaaqara irainara mwato vaintiva sara nretaro viti piso sarara mwi sarara aasu nrarero mwauvo. Sia irainara mwato vaintiva mwinto mwitaa mwauvanta vairi mwonravuvano vitare nritat sitanta mwira nrumbwaara imposu nroram.

²² Sia vaaqara irainara mwato vaintiva qutu vuvanta naavunyaasua mwira vita mwarenta uro Avarahaamuva nrai saivaqava mwaunani i senta. Mwira uro i sovaro mwinto mwauvaro

²³ vaaqara irainara mwato vaintiva mwivavaqa qutu vuvanta mwira mwataqiqunama tovaro mwira qutu vusua mwaqqani mwitaro qara nuase mwauvo. Mwitaa mwitaro mwutuni takuovaro

Rasarusiva mwinto Avarahaamuravaqa mwaitaro suqema mwauvo.

²⁴ Mwinto mwitaa mwauvaro mwiva Avarahaamurara saparamase tiro, Avara-haamu, tiri qo, niara mpo timwa mataane. Re Rasarusira vusi tiraro mwiva uro nrai saqu nramaiqi naasero untu ni maaqiriga mwatairaro ni maaqirivano sumpama vuarive. Ne nrora tia itairaqi mwarinama qara nina mwauko, tuvo.

²⁵ Mwitaa tuvaro Avarahaamuva qao tiro, Ni mpaio, re riaane. Re nraaru qaqi mwau enara suqe irainara mwate mwauvaro Rasarusiva sia suqe irainara asuu mwatovave. Mate mwiva mwaanto mwaitaro suqema mwaisara re mwinto mwaitara qara nira mwariaro.

²⁶ Re qava rie mwaiqe mwo kua ri timwa mwiase. Re mwariaranta te mwauraro qina nroravano vutana vaiso. Mwaintai vuaso mwintai nriaso tiro Kotiva qina nrora mwataiso, tuvo.

²⁷ Avarahaamuva mwitaa tuvaro mwi vantiva tiro, Mpo tiri qo, re Rasarusira vusi tiraro mwiva ni nkora nraavuqi uro mwaitaro

²⁸ ni nkata mpasaa nkuaanania saquru timwa nyiarive. Mwisuavaqa mwaini ita virani nrivo, tuvo.

²⁹ Mwitaa tuvaro Avarahaamuva qao tiro, Mosesivavaqa paropeti vantivaravaqa qumwaarara to kuava vaiso. Mwisua mwi kuara so rievarave siavo, tuvo.

³⁰ Mwitaa tuvaro qaqi mwau enara vaqaara irainara mwato vantiva tiro, Siave, tiri qo, Avarahaamu, qutu vuari vantiva uro nane timwa nyisanta mwisua mwira kua rietanta qaqiraqa si airara pise-varave siavo, tuvo.

³¹ Mwitaa tuvaro Avarahaamuva qao tiro, Mwisua Mosesira kuavaqa paropeti vantivara kuavaqa sia rientente, qutu vuari vantiva uro nane tiari kuaravaqa mwisua sia so rievarave siavo turave turama.

Sisasiva mwi kuara turama.

22

Sisasira navaatavu sora

⁴⁷ Sisasiva mwini mwaitaro kua qaqi ti mwauvanta vaqaara vantivano nrinora. Sisasira nraaqiara 12 nravuqintai Sutasiva vaqaara vanti ntita mware mwiva naane mwisua ntuni nriror Sisasiva mwau-nani nrinero uro Sisasira mota nare uti mwauvaro

⁴⁸ Sisasiva tiro, Sutasivo, re ni mota sera ni mwataqi mwataatai nraaqiara nramwutaa ntuqaave ni qovarama senarave? tiro.

⁴⁹ Sisasiva mwitaa tuvanta mwira nraaqiavarava mwira vaqamase mwausua

takuovanta mwisua Sisasira navaatavu sarenta uti mwauvanta mwiravusua Sisasirara tinta, Nrora vaintio, tenravu paipaontai mwisua tuqu saanarave? tinta.

⁵⁰ Sisasira nraaqiavaravano mwitaa tuvaro mwiravusuaqintai mwovano Kotira aira mwara mwate mwau vaintiusa mwisua vunyaa vanti aira vanti mwo tuquse mwira aato tuqu sovaro untu nuvaro Sisasiva sove tiro

⁵¹ timwase mwi vaintira aatoqaa nrai saqu mwatatovaro mwira aatovano tavana vura.

⁵² Kotira aira mwara mwate mwau vaintisua mwisua nroranravuvanovaqa, Kotira nraavuqaa naqisi mwau kiripuvanovaqa, nrora vanti mwonravuvanovaqa, mwisua Sisasira navaatavu sare nrusuara Sisasiva tiro, Né kamaanira vaqamase naquari vaintir votaamase navaatavu sarentave né paipavaqa saavuvaqa mware nrivio?

⁵³ Ne ini vaqamasena mwo nrau mwo nrau Kotira nraavuqi mwaiqina vi mwaukanta né sia ni navaatavu saarave. So mate mwaa enava ini enama vaiso. Mate rupisiqi mwariari irainava kempusaqama sianarove, tiro.

23

Sini tosani ruto vantiva kua tura

³⁹ Kamaanira kua anuo vantiva mwovano sini tosani rutova mwivavaqa Sisasira sia suqe kua timwa mwi tiro, Qutaave re Mesaia vantivano mwariaro? Re renavaqa tiritanavaqa saisaqa siane, tiro.

⁴⁰ Mwitaa tuvaro kamaanira kua anuo vantiva mwovano qao tiro, Re siave Kotira aatu siaro? Mwisua tiritana votaamase mwiravaqa rutaavo.

⁴¹ Mwisua tiritana so rutaavo. Mwisua tiritana sia suqe aira saara tiritana rutaavo. Mwi vantiva sia qaqiraqa si airara mwaraivave, tiro.

⁴² Mwitaa tiase mwiva Sisasirara tiro, Sasiso, ri nroraqama saari enaraqaa re nriaravaqa riaane, tiro.

⁴³ Mwitaa tuvaro Sisasiva tiro, Ne ri timwa mwiarira riaane. Mate re nivaqamase suqe mwatusani mwarinarave, tiro.

Sisasiva qutu vura

⁴⁴ Mwitaa tuvaro suarivano mamatama nruvaro mwirqaantai rupisima vuvaro sia suarivano itovaro rupisi asuu rutovaro suari tukiviro 3 kirokuqa suvaro qava ataama vura.

⁴⁵ Ierusaremi mwatusani Kotira nraavuqi tausa votaama vauraqi nrora vaqa siri-tova vutuqaa nrai nuqe vuvaro

⁴⁶ Sisasiva satariqaa mwaitaro nroraqamase oi aai tiase, tiro, Ni nko, ni mwarana

mwaraane, tiro. Mwitaa tiase Sisasiva qutu viro.

⁴⁷ Sisasiva qutu vuvaro naqu vaintisua qiata vaintivano Sisasiva mwitaa sura takuero Kotira utu tuaarere tiro, Qutaama mwaa vaintiva suqema nrue mwai vaintave, tiro.

⁴⁸ Mwitaa tuvanta mwo susua mwi irainarava qovara sura takuarenta suntu nukaama susua mwisua mwaitanta takuama senta mwiraqaantai mwisua nyari mwaqaani nyari mwaqaani nanenta vitanta mwuntusa sia suqe suvanta nyari mwuntusa nuqutuse vura.

⁴⁹ Mwisua vuvanta Sisasira vataqi nrue mwau nraase qorasuavaqa, nraase mwonravu Kariri mwatantai Sisasira vataqi nrue mwausuavaqa, mwisua niarani mwaitanta mwi irainarava qovara sura takuora.

24

Emeasi mwatusaniara vu vaintitanasua tura

¹³ Mwi enaraqaa Sisasira nraaqiara taaratanaavano mwo mwatusa Emeasi mwatusani virenta vura. (Taputantai voqaama Veqaurani voqaama mwira votaama Ierusaremi vauvaro Emeasi mwatusa vaura.)

¹⁴ Mwitana aarani vitanta Sisasira rusu kuara timwaqi vinta.

¹⁵ Mwitana timwaqi vuvaro Sisasiva nrai nrinero mwitana vaqamase uro vuvanta

¹⁶ mwitana Sisasira takuenta sia mwira qintutama takuaraitinta, mwo vaintivanove tuvaro

¹⁷ Sisasiva mwitanara tiro, Netana aarani nritantama nara kuave nrai timwa mwi nrai timwa mwi vi mwariavo? tiro.

Mwitaa tuvanta mwitana uro mwiraqaanitintiva mwitana mwuntusavano sia suqe suvanta mwaura.

¹⁸ Mwovano Kiropaa Sisasira mwata rie tiro, Mwaa enara vaqara vaintiravuvano mwiri Ierusaremini mwariavara re nkuainkuvanove nanau qovarama vi kuara siave riaaro? tiro.

¹⁹ Mwitaa tuvaro Sisasiva, Nara kuave? tuvanta mwitana tinta, Sisasira Nasaretinyaara kuave. Mwi vaintiva paropeti vaintivano mwitaro Kotira vuqaavaqa nraase qora ntuaavaqa nrora aira mwaretanta suqe kua aasu tirave.

²⁰ Mwira mwitaa si mwarsanta Kotira aira mwara mwate mwaria vaintisua mwisua nrora vaintivaravanavaqa, tiriqaa naqisi mwariasuavaqa, mwisua kamaanira mwira mwiavaro mwira mwira rusaate tisanta mwira niriqontai satariqaa rutaarave.

²¹ Te ntaaru mwi vaintirara Kotira mwira titaisaro mwiva mwo mwatanaasua aatarase tiri Isaraari mwatanaasuaqaa naqisiarivave tunarave. Kua mwovaqama vaiso. Mwira rusaavarro mate taaramo ena nritaraiso.

²² Mate tetana nraasenravuvano tia kuara rienta isarama vuro. Mwinravusua ota toqqaq mwnira qunama taaraqi uro nenta sia mwira mwavana takuaavo.

²³ Mwi nravusua uro nanenta mwiri tiri timwa timwi mwitaa tinta, Naavunyaasua tirinravuara mwiva qaqlima mwaiso, tiavo, tiarave.

²⁴ Nraasenravuvano mwitaa tiavanta tirinravuqintai mwo vaintiravuvano mwira qunama taaraqi uro vi uro takuaavarro nraasenravuvano tia kuava mwivauma vaisanta mwinravusuvavaqa mwira mwavana sia takuaarave, tinta.

²⁵ Mwitana mwitaa tuvaro Sisasiva mwitana timwa nyi tiro, Siave initana vu aato vaiseo? Ntaaru paropeti vaintivaravano timwato kuara netona mwi kuara qutaave tiataara vaisanta netona qasomase mwi kuara rie mwariavo.

²⁶ Netona siave riaavarro Kotiva titaari vaintiva mesaia vaintivano itavi irainarara mwaraqi viro mwiraqaantai nroraqamavi kempusa vaintivano mwarianarove, tiro.

²⁷ Mwitaa timwase Sisasiva Mesaia vaintiara Kotira vukuqi qara qumwaara rato kuara mwitana timwa nyirero tosarero Mosesira vukuqintai timwa nyiqiro viro paropetivara vukuqintai timwa nyiqiro vura.

²⁸ Mwitaa ti mwauvaro mwitana virenta su mwatusava mwataqaa vauvaro Sisasiva aarana qaqi virero votaama uti mwauvanta mwitana qao tinta,

²⁹ Mate ena sianarove. Pisera tiritanavaqa vaitaane, tuvaro Sisasiva mwitanavaqa mwairero nraavuqi vura.

³⁰ Sisasiva nraavu mwiraqaq mwitaro sara taintaqaqaa mwitana vaqamase mwataqaa mwai Kotirara suqeve timwase impereti sara uveqase ntusamase nyuvanta mwitana vu aato qintutama vuvanta qintutama rienta

³¹ mwitana mwira qintutamase takuvaro Sisasiva mwitana ntuaantai qumpau vura.

³² Sisasiva qumpau vuvanta mwitana nrai timwa mwi nrai timwa mwi tinta, Mpo, mwira aarana nritaro Kotira vukuqintai kua tiritana timwa timwi mwaisaro qutaama tiritana mwuntusaqintai suqe sisoo, tinta.

³³ Mwitaa timwase mwitana vaavaama ntintiva mwira nane Ierusaremi uro Sisasira nraaqiara 11 nravu mpuaamase takuo-

vanta mwinravusua mwo vaintinravuvaqa suntu nukaama mwainta tinta,

³⁴ Nroravano qutaama qava qaqi ntiviso. Saimoniva mwivama mwira takuaivo tuvanta

³⁵ mwitanavaga aarani nruenta takuorara mwisua timwa nyi tinta, Mwiva mpereti sara uveqa saisanta mwiraqaantai tetana nrora vainti qintutama takuaunarave, tinta.

Sisasiva nrai nraaqiara ntuqaa qovarama vura

³⁶ Mwitana kua mwisua timwa nyi mwauvaro vaavaama nroravano mwivama qovarama viro mwisua aaqani ntivi tiro, Ini mwuntusavano qisaqaqama vasiarive, tiro.

³⁷ Mwitaa tuvanta mwisua nroraqamase aatu si tinta, Vaanavano qovarama viso, tuvaro Sisasiva mwisuara tiro,

³⁸ Né narare aatu si mwariavo? Né narare niara taara aato nauri rie mwariavo?

³⁹ Né ni iqu saqu takuaate. Ne mwivama suko. Sia vaanavano ni votaamase mwatiavaqa mwusaarivaqa vaiso, tiro.

⁴⁰ Mwitaa timwase mwiva nrai iquvaqa saquvaqa tia nyuvanta

⁴¹ mwisua mwoqamase riaria sintia saqu nunkinkiraate tinta, Sia mwirara qutaave tiare, tuvaro Sisasiva mwisua mwata rie tiro, Sara nraariva vairove? tuvanta

⁴² tavusa suntatora pataqa mwira mwuvaro

⁴³ Sisasiva mwisua ntuqaa mwitaro mwitarase nrora.

⁴⁴ Sisasiva tavusa nramwase mwisua timwa nyi tiro, Ntaaru ne inivaqa mwitana ne mwaa kuara ini timwa nyurave. Niara ntaaru Mosesiva vukuqi qumwaara rato kuarave, paropeti vaintivaravano qumwaara rato kuarave, Saami vukuqi qumwaara rato kuarave, ne ini timwa nyitana mwi kuava mwivauma vasianarove, turave, tiro.

⁴⁵ Mwitaa timwase mwisua Kotira vukuqi qumwaara rato kuara qintutamase riaate tiro Sisasiva mwi kuara mwi kuara mwisua timwa nyi tiro,

⁴⁶ Mwaa kuara qumwaara ratorave, Me-saia vaintiara mwiva ita vuari irainara mwagi uro qutu viro taaramo ena mwari qava qaqi ntivuanarove.

⁴⁷ Mwiraqaantai né ni airara ni utuara rietantama nraase qora timwa nyiqi vitanta sia suqe si aarara pisavar Kotiva né sia suqe airara mware kuara nrunka nyataanarove, tiate. Mwi kuara timwa nyiqi vitanta Ierusalemini naane mwi kuara timwa nyiqi vinta mwiraqaantai mwo mwatanaasua mwo mwatanaasua timwa nyiqi vuate.

⁴⁸ Nénravu nénta ntuqaantai mwi airara mwi irainara takuaarave.

⁴⁹ Ni nkova nrai saqu iqiqaa mwatero nena ini nyirerave tiarinara nevano mwira titaariro tukuarive, Né mwaa mwatusaraqi mwaiqi vivaro naavuntai mwiva tukiro iniqaa mwitaroma ini kempusa nyianarove, tiro.

Sisasiva naavuni vita mwarora

⁵⁰ Sisasiva mwitaa timwase mwiva mwisua ntita mware Ierusaremi mwatusa mwini se Vetaani mwatusani uro ne nrai saqutana tuaarerese mwisua suqema nyate.

⁵¹ Sisasiva mwisua suqema nyate mwitaro mwiva mwisua mwini sovaro mwira naavuni vita mwarora.

⁵² Sisasiva naavuni vuvanta mwira nraaqiarvara mwini so vaintivarasu suqe suvanta mwiri nane Ierusalemini vinta uro mwini mwitanta Kotira nraavuqi uro Kotira utu tuaarerinqinta vi mwaura.

IONI

3

Nikotimasiva Sisasira uro takuora

1 Parasi vainti mwovano mwaavararo mwira utu Nikotimasira. Nikotimasiva Iutaa mwatanaasua ntarunyaa vainti mwaura.

2 Mwiva mwariro enaqi uro Sisasira takuero tiro, Mwaara ti mwariara vaintio, te takuauraro Kotiva ri titaisarara tira, re mwaara kua ti mwariarava nrira siaro. Sia Kotiva ri saisaqa sitirina, re siama nrora aira mwaraaratirinao, tiro.

3 Mwiva mwitaa tuvaro Sisasiva mwira timwa mwiro tiro, Ne quttaa kua tiarira riaane. Vainti nrora tuaiya mwairaro mwira sia qavavaqa mwatatairere, mwivaintiva siama Kotiva naqisiari mwatusara so takaanarove, tiro.

4 Tuvaro Nikotimasiva qao tiro, Ntataa sirarove nrora tuai vaintira qava mwatataanarove? Mwiva qava nrai nrora visosaqi vigetairarovre mwira nrova mwira qava mwatataanarove? tiro.

5 Tuvaro Sisasiva tiro, Ne quttaa tuko. Nramaiqi mwatataariva mwairaro sia Kotira Mwaranavano mwira qava mwatatairaro mwiva sia Kotiva naqisi mwatusaran vuuanarove.

6 Mwavana mwataava nrai mwavana mwatataa asuu mwatatairave. Mwaranavano mwarana asuu mwatatairave, tiro. Ini qava mwatataari kuarara ne ri timwa mwukara re mwi kuarara isaramave vuaro? Sia mwitaa siane. Ne mwo kuaqaa nuase ri timwa mwirenave. Saaravano titaro mwini mwini vuataa sisaro viso.

8 Saaravano tuqi visara re sia mwira takuaraaitira, re mwira quka asuu rianarave. Re saaravano nriari osararave mwiva vuari osararave sia qintutama riaaro. So Kotira Mwaranavano mwatatai osarava mwira votaama vaiso, tiro.

9 Sisasiva mwitaa tuvaro Nikotimasiva tiro, Ntataama serove mwitaa sianarove? tuvoro

10 Sisasiva tiro, Re Isaraari mwatanaasua mwaara kua timwa nyi mwariarave mwitarove mwi kuara sia qintutama riaaro?

11 Ne quttaa tuko. Te qintutama riauna kuara ini timwa nyi mwauko. Mwitaa savantava ne sia tiro kua qintutama riaavo.

12 Ne mwatanyaa irainara ini timwa nyukanta né mwirara sia quttaa kuave tiavo. Né mwitaa tiavana ne naavunyaa irainara ini timwa nyiarinta, né ntataamase mwi kuara so qintutama rievarare?

13 Sia vainti mwovano naavuni Kotiva mwainani virave. Ne aasuma mwintai tukuko. Ni mwataqaa mwatataiva ne nraaru naavuni mwariarave.

14 Nraaru ini saivaqava Mosesiva qumina mwatani mwitaro kuanira mwaranora oriqaantai utuse mwira satari ratoraqa tuaare rasorave. (Nraase qoravano mwira takue sia qutu vuute tiro, Mosesiva mwitaa surave.) So ne mwataqaa mwatatai nraaqiarava ne mwariarinta nraaru Mosesiva kuanira mwaranora utuse mwatonemase nivaqa satariqaa tuaare rasaavanta

15 nraase qoravano niara quttaa mwivave tisua sia qutu vinta taiqa viraitinta, mwisua esaa ena esaa ena qaqi mwariqi vivarave, tiro. Sisasiva mwitaa turama.

16 Kotiva mwataqai mwariasuara mwoqamase mwuntusa nisarora tiro, mwiva nrai mwaaku nkuaqiqa mwatataira tiri tivira. Mwitaa sirara tinta, nraase qoravano mwira mwaquara qutaave tisua sia qutu vinta taiqa viraitinta, mwisua esaa ena esaa ena qaqi mwariqi vivara.

17 Kotiva nrai mwaaku titovaro mwiva sia nraase qoraqaa kua mwatarero tukiso. Nraase qoravano suqema mwariate tiro, mwiva tukura.

18 Mwovano mwira mwaquara quttaa mwivave ti mwairirava mwivama sia kua mwaraanaro. Mwovano mwirara sia mwivave ti mwairirava mwivama nrora kua mwaraanaro. Mate mwaa enara Kotiva ko timwase mwi vaintira qoririma saira. Mwi vaintiva Kotira mwaaku nkuaqiqa mwatatairara sia quttaa mwivave tira saara Kotiva mwira qoririma saira.

19 Mwaa irainarara saara kua vasianaro. Tomwavano mwataqai tukuvanta nraase qoravano sia mwira riaria siraitinta, mwisua rupisi sirara riaria sintamwariara.

20 Sia suge sia vaintisua mwovano mwovano nramwutaaqa sitanta sia mwi tomwara riaria siraitinta, mwisua sia tomwavano mwainani vuara. Tomwavano tiro sia suge aira ataa timwataaso tinta sia tomwavano mwainani vuara.

21 Mwisua mwitaa siavaro quttaa aira mware vari vaintiva sia aatu siraitiro, tomwavano mwainani vira. Mwiva visaro tomwavano mwira aira ataama mwataisanta nraase qoravano takuaavaro mwi vaintiva Kotira kua rietaro Kotira aira mware mwaira.

¹ Sisasiva vitaro takuo varo vainti mwovano nrail nrora visosaqintai vu qimpa vuva mwauvanta

² Sisasira vaintivaravano Sisasira mwata rienta tinta, Mwaara kua tiara vaintio, ntavave qaqa ra si irainarara mwasa isarove mwaa vaintira vu nrail nrora visosaqintai vu qimpa viva mwaiso? Nraive siso mwira nrosua qosu ave qaqa ra si irainarara utu saavarove mwira vuvano qimpa viso, tinta tuvo.

³ Sisasira vaintivaravano mwitaa tuvaro Sisasiva qao tiro, Sia nrail qaqa ra si irainarara mwara ira saara mwira vu qimpa viso. Siama mwira nrosua qosu qaqa ra si irainarara utu saavarove mwira vu qimpa viso. Né mwi vaintiragi Kotira kempusaqama aira takuuate tiro, mwira vuvano qimpa viso. Kotiva ni nti mataisana ne tukukavave.

⁴ Te Kotira aira ataa siarinto mwara are. Ena siraro sia mwo vaintivano aira so mwaraanarove.

⁵ Ne mwataqeqe mwaitana tomwavano itainema sena ne itamaqina vuariro mwataqeqi mwaisua so takuevarave, tiro tuvo.

⁶ Sisasiva mwitaa timwa sero mwataqaa taara visise taaraqontai soraqamase mwiti vanti vuqaa naatafuruse mwirar tiro,

⁷ Re Siromi nramaiqi untu rena vuri siqama saane, tiro. Sisasiva mwitaa tuvaro mwi vaintiva Sisasiva tunema untu nrail vuri siqama sovaro mwira vuvano mpaira vuvaro mwi vaintiva mwintai untu nane so takuamaqi nrurama.

⁸ Mwiva so takuamaqi nri mwauvanta mwira nraavu mwataqaa mwaisua takuo varo aara tosan iwaitaro pata irainara ni vaqa miate ti mwau vaintiva qaqi nrurvanta mwisua mwira takuenta tinta, Nta vaintivave nriso? Aara tosan iwaitaro pata irainara nivaqa miate ti mwau vaintivave nriso? tinta.

⁹ Mwisua mwitaa tuvanta mwonravuvano tinta, So mwi vaintiva mwivave, tuvanta mwonravuvano qao tinta, Mwovanove. Mwira vuri votaa siva nriso, tuvaro mwi vaintiva nrine tiro, Ne mwaa mwivama suko, tiro tuvo.

¹⁰ Mwi vaintiva mwitaa tuvanta mwisua mwira mwata rienta tinta, Ntataama saisarove ri vuvano mpaira viso? tinta.

¹¹ Mwisua mwitaa tuvaro mwira timwa nyiro tiro, Vanti mwovano mwira mwiru Sisasiva mwira taara visise soraqamase ni mpuaqaa naatauruse niara tiro, Siromi nramaiqi untu rena vuri siqama saane, tisana ne untu siqama saukar ni mpuvano mpaira visana ne so takuamaqina nruko, tiro.

¹² Mwiva mwitaa tuvanta mwisua mwira qava rienta tinta, Mwi vaintiva ntaini visare nrario? tinta. Mwisua mwitaa tuvaro mwiva tiro, Nrail ntainive vivaaso? Ne siavaqa takuauko, tiro.

¹³ Mwiva mwitaa tuvanta mwisua nraaru vu qimpo vaintira vita mwarenta uro Parasi vaintivaravano mwaunani surama.

¹⁴ Sisasiva mwaara kua tu enaraqaa soraqamase mwi vaintira vu mpaira sorama.

¹⁵ Mwisua Parasi vaintivaravano sunani vitaq i uro sovanta Parasi vaintivaravano mwi vaintira mwata rienta tinta, Ntataama saisarove ri vuvano mpaira viso? tuvaro mwi vaintiva tiro, Mwiva soraqamase ni mpuaqaa naatauruse mataisana ne unfu nena mpuri siqama saukar ni mpuvano mpaira visana ne so takuauko, tiro.

¹⁶ Mwiva mwitaa tuvanta Parasi vanti mwonravuvano tinta, Mwi airara mwaraiva mwaara enaqaa mwitaa siso. Mwiva mwaara enaqaa sia mwitaa siataara vasisaro mwiva kua qanauase mwitaa siso. Mwitaa sisorara tiro, mwi vaintiva sia Kotiva sinani tukivave, tinta. Tuvanta Parasi vanti mwonravuvano qao tinta, Ntataama serove qaqa vaintivano mwi airara nrora mwarai airara so mwaraanarove siso? tinta. Mwitaa timwa senta mwonravuvano mwo kua tuvanta mwonravuvano mwo kua tinta.

¹⁷ Parasi vaintivaravano qava mwira mwata rienta tinta, Mwiva ni mpu mpaira sairave tianarave. Mwi vaintirara re nara kuave tiaro? Mwiva ntataama mwai vaintivave ri vu mpaira saiso? Re tiri timwa tivivaqe riaare, tuvaroma vanti mwiva tiro, Mwiva paropeti vaintivano mwaiso. Kotiva mwira saisaqaa sisaro mwiva aira mware mwaiso, tiro.

¹⁸ Mwitaa tuvanta Iutaa vaintivaravano sia mwira kuara qutaa kuave tierera mwi vaintirara tinta, Re muna titara ni mpu mpaira viso tiaro. Nraaru sia ri vuvano mpaira vurave, tinta. Mwitaa timwa senta mwisua mwira nrosua qosua sapara svanta

¹⁹ mwitanavano nrurvanta mwisua mwitana mwata rienta tinta, Mwaa vaintiva initana nyaaque siso? Qutaave mwira nrora visosaqintai vu qimporave? Ntataama saisarove mwira vuvano mpaira visarove takuaiso? tinta.

²⁰ Mwisua mwitaa tuvanta mwira nrosua qosua tinta, Mwaa vaintiva tiritana mwaaque. Mwira vuvano nraaru visosaqintai qimporave.

²¹ Nraive ntataaa sisarove mwira vuvano mpaira viso? Nraive ntavave mwira vu mpaira saiso? Mwiva nrora tuaivave. Né

nénta mwira mwata riaate. Mwiva so ini timwa nyianarove, tinta.

²² Mwira nrosua qosua Iutaa vainti nrora vaintivara aatu sitanta mwitaa turama. Nraaru Iutaa vaintivaravano mwitaa kua mwatate tinta, Vainti mwovano Sisasirara mwiva Mesaia vaintivano tiri saisaqama sirero tukivave tiaso. Mwovano mwitaa tirarore, te mwira irora sintaa mwaara nrauvqintai mwira raaqu saararo mwiva mweva ne esaara vuarive, turama.

²³ Iutaa vanti nrora vaintivaravano mwitaa turara tinta, mwira nrosua qosua Iutaa vanti aatu sitanta tinta, Mwiva nrora tuaivave. Né nénta mwira mwata riaate, turama.

²⁴ Mwitanavano mwitaa tuvanta mwisua qavavaqa nraaru vu qimpo vaintirara sapara sintaa mwirara tinta, Re Kotira riaria siataarave. Sisasiva sia suqe vaintive, tinta. Mwisua mwitaa tuvaro mwi vaintiva tiro,

²⁵ Sisasiva sia suqe vaintive siso suqe vaintive siso sia ne qintuta suko. Ni mpu qimpura mwiva mpairia sorara ne mwirara asau qintuta suko, tiro.

²⁶ Mwiva mwitaa tuvanta mwisua mwira qava mwata rienta tinta, Mwiva ri narave utiso? Mwiva rinta ntataama setarove ri vu mpairia saiso? tuvaro vanti mwiva tiro,

²⁷ Ne vaa mwirara ini timwa nyukanta né siave riaavo? Né ntataa si santave qava mwi kuara riarentave tiavo? Névaqa mwo? Névaqa mwira vaintivaravaqa mwariarentave qava mwi kuara ni mata riaavo? tiro.

²⁸ Mwiva mwitaa tuvanta mwisua mwira nroraqamase irora sintaa timwa mwinta tinta, Qao, revano mwira vaintivano mwitara mwira kua riaaravave. Te tenta saivaqara Mosesira kua riaqi vuasuve.

²⁹ Nraaru Kotiva Mosesira timwa to kuara te mwi kuara riaqi vuasuve. Te Sisasirara qumina vaintive turo. Te mwiva mwintai nri osarara sia qintuta suro, tinta.

³⁰ Mwisua mwitaa tuvaro mwiva nraisaqo nunkinkiraara tero mpo se tiro, Ni mpu mpairia sai vaintiva mwiva mwintai nri osarara né siavaqa qintuta siavo?

³¹ Te riauraro Kotiva qaqlira vanti kua sia riaivave. Kotira kua riaasua Kotiva mwisua kua riaivave. Kotira utu tuaareraa vantisua kua Kotiva riaivave.

³² Nraaru mwaa mwatara hoqarato enaraqaatairo sia vanti mwovano nrairora visosaqintai vu qipa vura mpairia sorave.

³³ Sisasiva sia Kotiva sinani tkuase titirina, mwiva sia so ni mpu mpairaitirinao, tiro.

³⁴ Mwi vaintiva mwitaa tuvanta mwisua mwira irora sintaa tinta, Ri nrova qaqlira qira sa airara mware ri mwatataivave. Re mwo? Re tirivaqave i mwaara kua timwa tivinarave siaro? tinta. Mwitaa timwa senta mwisua vanti mwira raaqu senta mwaatani pisoroma.

³⁵ Mwisua mwira raaqu senta mwaatani pisovaro Sisasiva mwisua mwira raaqu senta pisoroma riero mwi vaintirara mpuaama takuero mwirara tiro, Mwataaqi mwatatai nraaqiarara re qutaa mwivave tinarave siaro? tiro.

³⁶ Sisasiva mwitaa tuvaro mwi vaintiva mwira mwata riero tiro, Nrora vaintio, mwira ntavave? Re ni timwa miqena ne mwirara qutaa mwivave tiase, tiro.

³⁷ Mwitaa tuvaro Sisasiva mwira timwa mwiro tiro, Re takue mwariara vaintiva ne mwivama riara ti mwaukuo, tiro.

³⁸ Sisasiva mwitaa tuvaro mwiva tiro, Nrora vaintio, qutaa re mwivave, tiro. Mwitaa timwa sero mwiva Sisasira vuqaa tori naquntaase mwira riariamase mwinto mwauvaro

³⁹ Sisasiva tiro, Ne nraase qora ntusama sirena mwataaqi tukukavave. Vu qimpaisua takuaate tina, ne mwataaqi tukukavave. Qaqi takuesua vu qimpa vuate tina, ne mwataaqi tukukavave, tiro.

⁴⁰ Sisasiva mwitaa tuvanta Parasi vaintivaravano mwi kuara rienta Sisasira mwata rienta tinta, Tiri tivuve qimpa viso? tinta.

⁴¹ Mwitaa tuvaro Sisasiva mwisua timwa nyiro tiro, Ini vu qimpa visantavauma kuavano sia iniqaa vasianarove. Né tinta, Te so takuauro, tiarara tiro, kuavano iniqaa vasianarove, tiro. Sisasiva mwitaa turama.